



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

§. LXV. Plura in eandem rem adduntur.

[urn:nbn:de:hbz:466:1-47773](#)

carij instar extenso, somnum capiebat; sed cum sic necessariam quietem capere non posset, coactus est hunc usum missum facere.

Ad viatum quod attinet, ut jam ante innui, P. Pauli habitudo corporis non permittebat, ut rigidis se jejuniis maceraret, & narrabant Socij, eum cum per dies aliquot continuos, aut statim in Ecclesia quatuor temporum, aut alias, jejunium produxisset, tam habuisse male, ut febri infestaretur: unde cum majus DEI obsequium aestimaret, si vires sanctis suis laboribus pares tueretur, tantum cibi parcere sumere constituit, quantum eum in finem necessarium erat; satis habens, abstinere a delicioribus omnibus, & quae gulæ magis blandirentur. Sed nec hac in parte generose se ipsum pervincere omisit, cibos gustui ingratissimos, & ipsum adeo cinerem, lentè masticando & ore versando.

§. LXV.

Plura in eandem rem adduntur.

Plus multo asperitatis vestiendi ratio habuit. Totis annis quatuordecim domi nostræ nec ex lino indusum, nec caligas gestabat, sed harum loco saccum sine manicis horridum, qui ab humeris defluebat ad genua, contextum caprarum pilis, qualem omnino Agafones adhibent ad tegenda jumentorum onera. Hoc vestimentigenus tam non delicatum adeo adamaverat P. Paulus, ut cum tantillum attritum, usque tractabilius deprehendisset, alio confessim horridiore mutaret.

Postremis tamen, quibus Romæ degebat, annis, cum saccus iste aëstatis tempore calores non tolerandos afferret,

R 3

fætorem

factorem insuper multo sudore prognatum exhalaret, substituit illi saccum ex rudi admodum cannabe, multis aculeis hispidum, quibus undique configebatur; ut facile arguere licet ex uno ejusmodi sacco, qui pro communi exemplo in nostra Tironum Domo servatur. Sic Brachia non nisi simplici vestis ordinariæ nostræ telâ tegebantur, & tibiaz planè nudæ manebant. Ne autem hæc nuditas passim in aliorum oculos offenderet, genere calceorum utebatur, quod non solum pedum extrema, sed tibiarum etiam partem bene magnam tegeret. Hæc autem & brachiorum, & tibiarum male vestiendarum ratio afferebat Patri hiemis tempore cruciatum frigoris perquam acutum, quo totus contremiscebat: siquidem naturali habitudine tam delicato frigoris sensu erat, ut amico fateretur, Perusiae sub initia illa vitæ sanctioris, cùm post solitam diverberationem frigidum indusum resumeret, lacrymas frigoris vehementiæ sibi esse expressas. Quo tamen non contentus solebat, asperrimè sæviente hieme, cubiculo suo se claudere, maximè à divino Sacrificio peracto, & inibi nudus planè positis humi genibus coram Christi Crucis affixi simulacro totis contremiscens artibus, suarum petebat noxarum veniam, cùm interim imbræ lacrymarum in terram depluerent, & pectus ipse sibi uno eorum, de quibus jam ante diximus, horrescentium aculeis suberum dire Janeinaret: & horum quidem instrumentorum duo à felici Patris obitu inventa sunt, unum recenti adhuc cruento. Sed parva sunt hæc, si iis comparentur, quæ P. Pinamontius, arcanorum animi arbiter de eo affirmat; nudum scilicet aliquando in nivibus in Collegij nostri Placentini atrio se volutasse: quin & alias Lucæ apud Patres Carthusianos, quo se uterque ad ascensin octiduanam, sacram

eram suam à laboribus quietem, receperat, nudum corpus spinis lacerâsse, usum opportunitate sepiς rosaceæ, quæ in hortulo erat, monasticæ cellæ, quam habitandam Patres dederant, vicino: additque idem P. Pinamontius, vix si-
bi dubium, sed multis argumentis vero simillimum videri, utrumque aliâs quoque ab eodem factitatum. Ego inter-
rim tenere me non possum, quin rogem pium Lectorem, ut secum ipse disquirat, quâm alta spirantem animum,
quâm divinâ succensum caritate illum esse oportuerit, qui quæ in præcipuis Ecclesiæ heroibus admiramus, in Sanctis inquam Benedicto, & Francisco Seraphico, tam strenue
ausus sit imitari. Ut autem indies similiot fieret P. Paulus DEO pro se Cruci affixo, gerebat suspensum è collo parvum ejus simulacrum è ligno, aliquot armatum clavis, quorum cuspides parte versâ prominebant, easque ille quâm scepissime admota pectori manu in vivam carnem adigebat. Curavit insuper fieri sibi instrumentum ferreum satî crassum & curvum, dentibus ferè instar ferræ instru-
ctum: hoc, dum tot horis mensulæ assidens in Collegiis ad lucubrationes suas incumbebat, solitus erat alligare ad coxendices, quarum pondere pressum sanè quâm crudeliter eas affligebat, & torquebat. Nequa autem corporis pars cruciatus & tormenti expers esset, latera, pectus, brachia, coxendices, tergum cingebat ferreis cingulis multiplici scie aculeatis, quæ post ejus mortem inventa in cubiculo de-
prehensa sunt longitudine æquare palmos triginta
quinque; aculeis verò tribus millibus
octingentis horrere.

